АЖРИМ

(даъво аризани кўрмасдан қолдириш тўгрисида)

Қарши шахри

2024 йил 13 июнь

Гузор туманлараро иктисодий судининг судьяси А.Арзиев раислигида, судья ёрдамчиси Б.С.Шамсиддиновнинг котиблигида, Гузор туман Фермер, деҳкон хўжаликлари ва томорка ер эгалари кенгаши даъвогар "Кувонч Дуланов" фермер хўжалиги манфаатида жавобгар "Китоб ип йигирув" АЖга нисбатан берган даъво аризаси бўйича ишни кенгаш вакили Л.Мейлиев (ишончнома асосида) иштирокида Гузор туманлараро иктисодий суди биносида ўтказилган очик суд мажлисида кўриб чикиб, куйидагиларни

аниклади:

Гузор туман Фермер, деҳқон ҳўжаликлари ва томорқа ер эгалари кенгаши даъвогар "Қувонч Дуланов" фермер ҳўжалиги манфаатида (бундан буён матнда даъвогар) иқтисодий судга даъво аризаси билан мурожаат қилиб, "Китоб ип йигирув" АЖдан (бундан буён матнда жавобгар) 2021 йилда топширилган пахта хом-ашёсига 1,15 фоиз ҳисобланган 14.284.000 сўм коэффицент ҳақдорликни ундиришни сўраган.

Даъвогар ва жавобгар вакиллари суд мажлиси вакти ва жойи тўғрисида тегишли тартибда хабардор этилишига қарамасдан суд мажлисига келмаган.

Суд, Ўзбекистон Республикаси Иктисодий процессуал кодексининг (бундан буён матнда ИПК) 128, 170-моддаларига асосан ишни даъвогар ва жавобгар вакилларининг иштирокисиз кўриб чикишни лозим деб топди.

Суд мажлисида иштирок этган фермерлар кенгаши вакили ўз кўрсатмасида, тарафлар ўртасида пахта хом ашёси ва уруғлик пахта харид қилиш шартномаси тузилганлигини, даъвогар шартномага асосан жавобгарга пахта хом ашёсини топширганлигини, ушбу топширилган пахта хом ашёси учун жавобгар томонидан 1.15 фоиз коэффицентлик тўлов тўлаб берилмаганлигини, шу сабабли даъво аризасини қаноатлантириб беришни сўради.

Суд ишда иштирок этган шахсларнинг тушунтиришларини эшитиб, ишдаги хужжатларни ўрганиб, мухокама қилиб, тўпланган далилларга хукукий бахо бериб, даъвони кўрмасдан қолдиришни лозим топади.

Суд мажлисида аниқланишича Ғузор туманлараро иқтисодий судининг 2024 йил 8 май кунидаги 4-1803-2401/443-сонли ажрими билан жавобгар "Китоб ип йигирув" АЖга нисбатан тўловга қобилиятсизлик тўғрисида иш қўзғатилган.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 107-моддаси биринчи қисмининг 9-бандига кўра, жавобгарга нисбатан тўловга қобилиятсизлик тўгрисида иш қўзғатилган бўлса ва жавобгарга нисбатан такдим этилган талаб қонунга кўра тўловга қобилиятсизлик тўгрисидаги иш доирасида кўрилиши лозим бўлса, суд даъво аризани кўрмасдан қолдириши белгиланган.

Кенгаш даъвогар манфаатида судга мурожаат қилинганлиги сабабли Давлат божи тўгрисидаги Қонуннинг 9-моддаси 18-бандига асосан ушбу даъволар юзасидан даъвогар давлат божидан озод этилганлигини инобатга олиш лозим бўлади.

Қайд этилганларга кўра суд, даъво аризани кўрмасдан қолдиришни, олдиндан тўлаб чикилган 34.000 сўм почта харажатини даъвогарнинг зиммасида колдиришни, даъвогар давлат божидан тўлашдан озод бўлганлиги сабабли давлат божи ундирмасликни лозим топди.

Бинобарин, Ўзбекистон Республикаси ИПК 107-моддаси биринчи қисмининг 9-бандини, 195 ва 196-моддаларини, қўллаб, суд

ажрим килди:

Гузор туман Фермер, деҳқон ҳўжаликлари ва томорқа ер эгалари кенгаши даъвогар "Қувонч Дуланов" фермер ҳўжалиги манфаатида жавобгар "Китоб ип йигирув" АЖдан 2021 йилда топширилган паҳта ҳом-ашёсига 1,15 фоиз ҳисобланган 14.284.000 сўм коэффицент ҳақдорликни ундириш тўғрисидаги даъво аризаси кўрмасдан қолдирилсин.

Ажрим устидан бир ойлик муддатда шу суд орқали вилоят судининг иқтисодий ишлар буйича судлов ҳайъатига апелляция тартибида ёки қонуний кучга кирган ва апелляция тартибида курилмаган ҳал қилув қарори устидан у қонуний кучга кирган кундан эътиборан белгиланган тартибда кассация тартибида шикоят бериш (протест келтириш) мумкин.

Судья А.Арзиев

